

Newspaper	UTUSAN MALAYSIA
Date	18 MAY 2016

Deklarasi rakyat, dendam peribadi Tun M

UM - 18/5/2016

KUALA LUMPUR 17 Mei - Penasihat PKR, Datuk Seri Anwar Ibrahim menegaskan bahawa deklarası rakyat bukan perjuangan pembangkang sebaliknya merupakan ketaksuban dan dendam peribadi Tun Dr. Mahathir Mohamad terhadap Perdana Menteri, Datuk Seri Najib Tun Razak.



ANWAR IBRAHIM

Menurut Anwar, deklarası itu hanya menumpukan terhadap pengunduran Perdana Menteri susulan skandal 1Malaysia Development Bhd (1MDB).

"Pelancaran deklarası rakyat adalah seolah-olah seperti telah ditetapkan tanpa boleh dirunding.

"Hanya setelah desakan daripada pimpinan pertubuhan bukan kerajaan (NGO) pada saat-saat akhir, sebahagian daripada pandangan kita dimasukkan. Hanya sekadar mencantikkan deklarası.

"Secara dasarnya, ia kekal sebagai dokumen Tun Mahathir, cacat dan tidak selari dengan pandangan

dari sudut reformasi," katanya dalam surat bertajuk 'Warkah Dari Penjara' yang dikirimkan kepada pemimpin PKR baru-baru ini.

Dalam surat lapan halaman bertulis tangan itu, Anwar turut menggambarkan pemimpin dalam pakatan pembangkang seperti terpesona dan berpuas hati dengan jaminan bahawa

segala tuntutan akan ditangani selepas pengunduran Najib.

"Saudara (pemimpin PKR) mungkin dapat rasakan pendirian saya yang semakin tegas setelah pendekatan berjiwa besar dan berdamai yang mana pada awalnya seperti kebanyakan di kalangan saudara.

"Saya agak naif menjangkakan Tun Mahathir akan lebih terbuka kepada perubahan. Beberapa siri perbincangan dengan pimpinan pakatan dan NGO tidak berjaya mengubah atau menghalang ketaksuban dan dendam peribadi terhadap Najib tetapi bukan terhadap sistem rosak," jelasnya.

Anwar turut mengingatkan

pemimpin PKR yang terpengaruh dengan deklarası rakyat boleh dianggap sebagai terdesak.

"Kita terdesak untuk angka sokongan, yang sebenarnya adalah demi kepentingan dalam politik tanpa sekelumit rasa bersalah," ujarnya yang turut menasihatkan pihak pembangkang tidak bersekongkol dengan Dr. Mahathir dan bekas Menteri Kewangan Tun Daim Zainuddin.

Kata Anwar, adalah amat meresahkan untuk melihat barisan kepemimpinan pembangkang menjadi sebahagian daripada pasukan yang turut disertai seorang pemimpin zalim dan paling korup sebagai bekas Menteri Kewangan.

"Kedua-dua Tun Mahathir dan Daim merupakan dalang dan begitu agresif mempertahankan kroni kapitalisme.

"Seorang peguam kanan memaklumkan kepada saya beliau memerhatikan bagaimana pemimpin-pemimpin ini terpegun dan merendah diri dalam kehadiran bekas autokrat dalam program terbuka seolah-olah masih tersekat dengan budaya feodal," katanya.